

茗

齋

集

一
三

卷一

卷二

卷三

卷四

卷五

卷六

卷七

卷八

茗齋詩五言古

古興三十三首

淮南彭孫貽昇仁著



匠石求連城鑿厓穿榛樾
從入繩重淵採此盈握月
下墜螭蜃宮上探豹虎窟
殉身營至寶灰命入超忽
安知方寸間襟襟蘊
聖物至人葆其真榮爽無流越
朴然澹遂初庶以遠天伐

二

孟軻言仁義乃立汙君朝
抗論薄鄉愿言必舜與堯
謂彼絕刺非廉潔自名高
混俗於汙流明周以道遙
希光絕其朕裸程豈能
撓不見狎世禽傲跖任同條
鄙哉刀錐末儒墨空紛呶

三

魯人怪仁獸雜然縱斧尋鵠鴉轉良夜自喜工好音世道行復
然殃禍常見侵方幅矩步徒衆目謂宵壬下士長大笑養拙屏
喬林

四

幽居達元化弱喪悲群生飛奔逐物態將隨萌圻榮李各相
媚因春吐忱誠榮為賤所基衰興盛相并不見榮啟期衣繩若
組纓

五

龍為幽陽質雲物司威神一卧千百載崩厓豁騫騰大之彌四

海小則藏膚皴謂龍乃無欲嗜燕及璣琬以斯登醯醢八珍肪
紫鱗塊形土木輒不材壽千春

六

絡緯何殷動鼓臂鳴我側托身寄微命沙蟲比形質因君愛此
聲張燈啼著夕人生無萬歲所貴達胃臆清商滿天地蟲響叶
金石抱琴而不彈此意無人識

七

務光讓天下乃自沉于河殉名者墜形何異赴燭蛾至人能外
物劇影韜至和商丘躬牧豕穢迹親負塗紛紜巢許流驚世嬰
樊羅

八

朝菌生松上朝榮不至夕青松哀其夭寓采徒曄澤一朝斧斤
至松栢就蟠炙賢愚同形命哉真事非一茅茨瘦充禹桐棺葬
孔瞿蜉蝣壽已足寄暢蟬蛻室雲中方瞳人空自矜顏色

九

淫霖決檐霑迴沫沾我裾大者鳴匹練其細散成珠山澤理自
通膚寸歛盈虛倚楹駢物變餘瀾漬琴書幽潛龍見中動蟄將
焉知

十

正華悅堯舜禪讓愚黎元詩書謨誥存皆以文奸言伊周負上

才如奕真所尊以斯不學徒蹈此戒滅門嵇生非湯武流俗烏
足論天道有轉轂元氣為朝昏何由扇薄習汰偽返於純

十一

仙人煉大藥潛形海島間六合寓玉壺日月跳西元何為驚桃
巧神鬼術無端逝將流澹漠冲氣息於元寄穀鶴上翁寧貴生
羽翰

十二

造物恒泚復蟻蠖或為龍寄奴與子元豈必皆英雄酒人廣武
歎狂言似大公世會所使之智巧成愚蒙俛仰函蓋間流沙不
可終

東臯事耦耕力畊賦不給八口喧嬰雛焉知兩稅急爭梨與分
肉啾烏攫食茲累本自然寧敢薄稼穡憶當昌盛年君親咸
有責自許乃臯夔豈僅可岳伯時變安其常秉耒吾道畢秋成
良在茲桔槔挂西壁

真宰闕靈境偶罇桃花源漁父彼安知乃為外人言雞犬不世
情鄰里互壺飧既無官吏煩惟識耆老尊人間紛甲子縈落候
斯存無曆自永年求仙虛討論

中散暮養生絕

以

遠患才僞累大道畢命廣陵散阮生盡其愚

沈酒寄誕謾所惜冊命文醇白見汙漫蕪門長嘯人凝睇無流
盼鸞皇在絳霄仰視隔天漢

十六

蘭生於幽谷含氣無人知神飈忽相送網緼風所為採摘登華
堂君子佩攸宜既已膚令聞天形亮在茲

十七

雀雉為蜃蛤陵鴛鳥足遊誰衰人不化瞽舜產嶠牛倡樂歌舞
人一夕後宮收光寵耀門閭弟昆奴為侯大運有哀榮雲生而
川流糧落非惡夕木凋豈怨秋儻然齊物始寄生亦何憂

十八

行遊步中庭喧累苦未屏翳塵稍遠市湫隘意靡騁縱目憑廣
除邀觀送流影景纖雲辭太空素月上東井蕩六宇寬不礙山
河影引醇忘萬物紛惑從茲靜

十九

利俗苦諍聞斧戋日相尋托分為兄弟轉瞬胡與秦邁俗有上
士思脫思汰淫西排化人宮請得舒憂心花氏諸聖賢覺類謝
時人此中末法澈險毒逾灾祲不如返濁世歸徐愚孩真名理
口不談鋪糟爨長薪

二十

世人已富貴服食祈長年延年亦何為盛衰同轉圜公卿降珉
隸霸圖隨飛烟雞皮老夷光衆嗤為不妍苟欲娛彼目塗澤窮
朱鉛朱顏非此時涕泗慕嬋娟

二十一

眷言埃宇狹遠適昆侖丘肆形理亂外暢志冥百憂乘雲若寢
床明玕為庶羞浩樂澹忘歸意足復焉求仙人趨我返子歸復
來遊歸來人代易九點移神州其中蟻蠓子興廢幾王侯流涕
復自笑顧影俄白頭

二十二

大海無輕舟修塗非疾步將褰萬里糧遠適遺世路桃花為我

飯白雲齋憐憫一進去不返松子墜成樹回觀望故丘井邑徒
蟻聚

二十三

漚鳥舞海上喋喋隨風端網罟既靡外施無異患千翩雙玄鳥
營巢廣厦間出入華堂側衆鳥羨其安一朝貴盛衣朱門倏摧殘
荆棘生綺疏籬貉嘯臺端燕歸尋故巢傾邪不完寄托藉榮
勢零落徒含酸

二十四

幻人示妙技萬變不得瞬偃師所造倡膚毛丹漆變百竅理斯
存象指靡不徇大巧奪化工神鬼熒悔吝技止諸無作弛貌類

儼偃以斯貴太朴塊然以形順如何雕辯子日夜窮心刃

二十五

蚩尤造五兵爰以毒天下軒轅始用師伐暴除亂者仁義成盜
貨神武為凶假安^得媧氏鑪陰陽為大冶消盡金革事弦絲長奏
雅

二十六

處世既多患悠悠念無生紛感雜然來中夜忽涕零昔我携手
好恍惚夢餘形揮杯滌哀樂坐見高臺平

二十七

朱蘭竟秋杪陵寒畏晨霜從之就南牖庶以媚朝陽嗟彼在幽

谷曾不憂矢傷士願守蓬茅貞素安其常

二十八

杜鵑為望帝胡蝶為莊周欣戚理或殊自得者夷猶草衣橡食
子行歌樂歸休陶白殫精魄聚智營算籌徒為造物愚役、萬
世謀青山黃壤間裸卧一黔婁達者意有餘羸形亦無求

二十九

大化本浩、物感無終窮化虎成異類微者為沙蟲天心豈樹
妄含識噬相攻獠鬻盤瓠祖軒轅與神農天道絀諸夏四裔代
為雄聖詰其奈何沒齒隱顓蒙

三十

風胡造良刃其澤若連波光影鏢太陰魑魅不得過所遇無衡
物精神燭宵多佩之既有年一日屢摩杪不當宰割地良材且
如何

三十一

南國產之子容質妙端妍燁若朝霞敷氣勝菴與蘭秉德含惠
心幽貞明自然十載隱蓬茨無人譽盛年北里有名倡巧笑出
人^前所顧一當意屬車載言旋歌舞傾戚里俱飛入九天顧視彼
姝子低眉長獨憐

三十二

伏劍出門去北遊渡遼濡漁陽多游俠椎埋從博徒我欲結豪

儒微功立區區風塵孰相識立馬且斯須

三十三

浮偽日相扇閉戶避塵樊吾形已不逮不遑肆典墳攤書暢情
素意得獨嘯言雖無桀樽具自覺斯道尊燭至命濁醪引醇祛
鄙昏時或物外友相思叩我門荆扉為君開酬酢弗我煩談諧
竟晨夕退坐究化原

訓胡山梅里見懷用牧雲大老湖上見月憶南中諸子五

十五韻作

憶離燥髮年志在四方久辟彼中林鹿其行必求羣所慕鴻鵠
舉恥學牛馬走是時皇塗寬不跼地益厚豪遊少年場繫馬在

烏臼常將肝鬲事寄與寶刀口醉時呵亭尉行不避牧守同遊
十數子出必巨先後零落經變故世亂如焚廐不聞歲在吳惟
見月犯斗吳中諸高士求死義連朽我亦奉老親走而遺厥偶
群賊與義兵往小勝狃將以卒與敵臣也主為售雜然詣牙
下倡樂笑鼓缶此地無深山管葛僅部婁雉羅觸易罹距虛負
空陡茲事難重陳偕亡竟安拯破甑顧何益敗棊劫復誘不見
獵者乎諸君功乃狗彘母既云妍毛施自然醜晚交得胡山流
寓一塵受談諧多觸發過從無時候携詩以見示正變靡不有
高文每破的下學猶張穀邇來益醇深不復輕減否苦飢屢播
遷賣藥供糲糗嗟無好事者百金為母壽梅里多賢達長水清